

OTKRIVAMO Sve o domaćinu Svjetskog prvenstva bh. dijaspore u malom fudbalu

Sve ekipe će svečano prodefilirati centrom italijanskog grada Bijele

Kompletna opština stala iza lokalnog bh. udruženja • Na raspolaganju dvije dvorane, hotel sa 350 kreveta
Gradska vijećnica za prijem... Očekuje se 16 ekipa

Na nedavno održanom samitu bosanskohercegovačke dijaspore u Londonu, članovi Glavnog odbora Svjetskog saveza dijaspore BiH donijeli su odluku da će naredno, Deveto svjetsko prvenstvo



Salihović: Bit će najbolje do sada

bh. dijaspore u malom fudbalu, u organizaciji SSD-BiH, biti održano u Italiji, u gradu Bijeli.

Domaćin takmičenja, koje će se odvijati od 20. do 22. aprila 2012. godine, je Zajednica bh. klubova iz Italije, na čelu s lokalnim bh. udruženjem iz Bijele. Informaciju više o ovom velikom takmičenju potražili smo kod me-

nadžera italijanske ekipe Alije Salihovića, koji živi i radi u ovom gradu.

Gradske vlasti

- Zahvalio bih, prije svega, rukovodstvu SSD-BiH što nam je ukazalo čast da budemo domaćini narednog mundijala bosanskohercegovačke dijaspore. Tokom proteklog takmičenja u Velikoj Kla-

duši izrazili smo želju da se i mi, u Italiji, okušamo kao domaćini. Prvo smo stupili u kontakt s našim Savezom u Italiji pa onda s lokalnim gradskim vlastima, kojima se svidjela ova ideja i odlučili su maksimalno pomoći u finansijskom i organizacionom pogledu - priča Salihović.

Odgovorno tvrdi da će



Bh. ekipa iz Italije

Između Milana i Torina

Grad Bijela nalazi se na sjeveru Italije između Milana i Torina, najbliži aerodromi su „Malpensa“ (Milano) i „Caselle“ (Torino).

Grad ima 60.000, a kompletna provincija 160.000 stanovnika. U ovoj provinciji živi 600 građana porijeklom iz Bosne i Hercegovine.



Sa prethodnog takmičenja u Velikoj Kladuši

ovo biti do sada najbolje organizirano takmičenje, jer je kompletna općina stala iza njih i na raspolaganje stavila dvije gradske sportske dvorane, koje primaju do 2.000 gledalaca, hotel sa 350 kreveta, gradsku Vijećnicu za prijem i svečano izvlačenje parova, kao i prelijepu hotelsku salu u kojoj će biti održana svečana podjela medalja, večera i zabava.

- Osim toga, gradske vlasti su insistirale, a mi smo sa zadovoljstvom prihvatili, da sve ekipe učesnice imaju svečani defile kroz centar grada. Ovo se prvi put dešava i sigurno će naići na si-

Posjeta u januaru

Predstavnici Sportske komisije SSDBiH u januaru će posjetiti Bijelu i na licu mjesta se uvjeriti u odlične uvjete koje će imati Bosanci i Hercegovci iz cijelog svijeta tokom ovog takmičenja.

mpatije među našim fudbalerima. Očekujemo učešće 16 ekipa, i to iz Amerike, Kanade, Hrvatske, Slovenije, Italije, Austrije, Švicarske, Njemačke, Češke, Belgije, Holandije, Norveške, Švedske, Danske, Engle-

ske i Republike Irske. Naravno, ukoliko svoje ekipe prijave i selekcije naših Bosanaca i Hercegovaca iz Luksemburga, Turske, Francuske, Španije, Makedonije ili Australije, mi ćemo sigurno naći prostor da ih uvrstimo u takmičenje. Znači, svi su dobro došli - navodi Salihović.

Pravila FIFA-e

Prvenstvo će se igrati po sportskim pravilima FIFA-e i za reprezentacije Bosanaca i Hercegovaca iz svake od pobrojanih zemalja moći će nastupiti samo igrači koji žive u tim zemljama.

N. ALIMAJSTOROVIĆ

U uglednom institutu „Meertens“ u Amsterdamu

Održan okrugli sto o kulturnom naslijeđu BiH

Rasprava o tokom agresije na BiH teško uništenom kulturnom blagu
• Ridlmajer inicijator zanimljivog projekta

Ugledni holandski institut „Meertens“ iz Amsterdama bio je domaćin okruglog stola pod nazivom „Kulturno naslijeđe u postratnoj Bosni i Hercegovini: Destrukcija, rekonstrukcija i transformacija“. Uvodničar rasprave o tokom agresije na BiH teško uništenom kulturnom blagu BiH bio je Andras Ridlmajer (Riedl-

mayer), bibliograf islamske arhitekture biblioteke Univerziteta Harvard. Glavni učesnik u diskusiji bila je Maja Lovrenović, budući doktor antropologije na Slobodnom univerzitetu („Vrije Universiteit“) u Amsterdamu.

Andras Ridlmajer govorio je o vlastitom radu u dokumentiranju teškog stradanja kulturno-historijskih

spomenika, biblioteka i muzeja u BiH. On je bio inicijator zanimljivog projekta „Bosnian Manuscript Gathering Project“, kojim bi se na jedno mjesto mikrofilmovanjem i fotokopijama sakupila spaljena i uništena bogata i vrijedna građa iz arhiva i biblioteka tokom agresije na BiH.

Maja Lovrenović, mlada Sarajka iz Amsterda-

ma, govorila je o primjerima poratne rekonstrukcije uništenih kulturnih znamenitosti BiH i kako se oni prostorno reflektiraju i transformiraju u stavovima i pogledima na naslijeđe općenito te o memoriji i pripadanju u poratnom bh. društvu.

U diskusiji je poslala učestvovala i publika.

A. HUSEJNOVIĆ



Lovrenović: Primjeri rekonstrukcije